

小倉山房詩集

小倉山房詩集補遺

新式
標點
足本
隨園全集

杜就田署



小倉山房詩集 卷三十一 乙巳丙午

乙巳元日舟中與霞裳聯句

舟中度元日，江上領春風。宿雨猶霑樹；袁朝陽乍
出宮。喜無賀歲事；劉轉有賦詩功。家近心尤急；袁天遙
霧正濃。開窗迎紫氣；劉解纜促篙工。寸步行皆喜；袁千
山看未終。醉人眠舵側；劉爆竹響波中。吉語時聞耳；袁
祥麟替轉蓬。遠村梅蕊白；劉隣舫鬢花紅。伐鼓兒童競；
衰。敲棋師弟同。紀年更甲乙；劉認水辨西東。想見深閨
裏，金錢卜幾通。袁

新正十一日還山

白覺山人膽足，行年七十走天涯。公然一萬三
千里，聽水聽風笑到家。迎門兒女慶團圓，隣里爭當
遠客看。不是桃源真福地，如何雞犬盡平安。香雪階

前撲面飛。喜從香裏解征衣。老妻指向諸姬笑，不爲梅
花尙不歸。一雙孔雀豔歸裝，惹得傾城士女狂。爲要
誘他開翠尾，麗人來往盡濃妝。賓客連宵坐滿庭，問
山問海問花名。急抄詩興諸公諒，省得衰翁說不清。
重理殘書喜不支，一言擬告世人知。莫嫌海角天涯遠，
但肯搖鞭有到時。

七十生日作

士龍百年歌，七十始長歎。可知上壽難，古人見詞
翰。我今危得之，自取平生按。解龜四十年，著述百餘卷。
多少顯榮人，隨風作雲散。而我獨適然，青蓮留一瓣。愛
惜一山雲，不肯三公換。惜徹萬緣空，不屑空門覓。食不
喜重味，而恰糖香饌。氣不識金銀，而亦多清玩。心安身
卽行，陰陽非所憚。理足口卽言，往往翻前案。樂自尋孔

顏學不拘宋漢新從兩粵歸。萬里江山看攬揆。三月天
滿園春色爛。借老妻尙存。遲生兒亦小。奚僮蒼頭多。諸
姬白髮半。開池成巨波。稱松成古幹。弟子來英英。老夫
時灌漑。夷甫尙鮮明。韓嬰頗精悍。雖乏李膺繩。遽把仙
凡判。且學魯季孫。六檀東門辦。住隨白日留。去憑天公
喚。詩成鳥共吟。酒到花能勸。忘老當作孩。視昏猶若旦。
厭聽麥邱祝。自作東方贊。

不染鬚

留鬚鑷鬚染鬚都有詩。四十年来能幾時。今年七
十染不必。一白而已鬚事畢。記得當初未有渠。意氣凌
雲渺八區。一回吟詠一回老。不憐韶光只惱鬚。我既不
能諱老求官祿。又復不能緩老求燕玉。有如婦婦此心
灰。永不妝臺埋膏沐。人言本色是英雄。我恰掀髯笑未
終。二十一科黃榜客。捫心可是白頭翁。莫嫌老去人無
用。(原缺)

戲夢樓

夢樓見佛不見我。一望蒲團頭欲墮。鄙人見我不
見佛。行遍香臺不作揖。君不必爭佛有。我不必爭佛無。
只問此中方寸意何如。請看世上尊官貴人亦儼有。我
果無所求。則亦視有如無。免應酬。

遺懷雜詩

一笑老如此。作何消遣之思量。無別法。惟有多吟
詩。譬如將眠蠶。尙有未盡絲。何不快傾吐。一使千秋知。
早貴如早起。所見人事多。早退如早眠。心神常安和。吾
生有不幸。能魚竟兼兩。每聞宦海波。設想吾其倘。雨脚
三月斷。火龍當空蟠。偶有一片雲。狂風驅還山。老人苦
炎蒸。風前將書攤。磨墨如車水。隨車隨時乾。筆燥觸紙
響。何能生文瀾。硯田尙如此。農田更可嘆。願揮渾身汗。
當作時雨頒。萬物蟄於冬。而我蟄於夏。赤帝一當關。
羣客可以謝。我其陳淳鮒。蒙頭不出舍。書卷盡情翻。衣
冠終日卸。平生所著述。往往趁此暇。可奈正憑欄。秋隨
一葉下。女媧搏黃土。濛濛沙塵飄。百千億萬年。回轉

無停鑪而我生其間。泰山一鴻毛。雖則一鴻毛。於於頗自豪。三十早歸田。二十早登朝。在邦無怨尤。在家無喧。嗚。逢花皆采折。無山不遊遨。李杜韓歐蘇。相逢足解嘲。官或比我尊。壽都輸我高。誰是七十翁。握筆猶嚙嚙。凡才欲其大。凡志欲其小。才大易辦。志小量易飽。譬如挽強弓。我力十石餘。情願挽九石。其氣恬以舒。君看韓彭輩。不如滕與薛。更看袁公路。不如黑山賊。阿斗與黃奴。以懦全其生。李志與曹蜍。以庸傳其名。一見動相慕。未見早相惡。問其所以然。有緣無緣故。緣法苟未終。臨死補一面。如其無緣者。抵死不相見。豈徒今人哉。於古亦如此。或佞我愛之。或賢我不喜。緣之所由來。其中豈無因。知者其天乎。板板偏不言。竇融在河西。光武欲招之。適融遣使來。彼此歡不支。隗囂亦遣使。中途被離殺。遂致生疊端。彼此兩不察。其一富貴終。及其子若孫。其中勤干戈。禍至滅其門。其時佛未來。緣法已如此。佛因敷衍之。曉人當如是。宋儒談性理。漢儒談典章。或疑尙書僞。或道周官亡。聚訟數千年。長夜無燭光。我

聞沮渠遜。言人浮海洋。親見孔聖人。絃歌聲未央。七十二弟子。羅立自成行。何不往詢之。所苦無舟航。傷哉觸觸生。捕影柱自忙。雖有記事珠。不如返魂香。有心積陰德。殊非高士懷。而況讀楚經。貪鄙尤可哀。古有端木叔。六十而散財。彼豈真老悖。不念子孫哉。實見身後事。非我所安排。宣尼大神聖。晚年伯魚災。昭王溺於楚。成康非禍胎。看破此機關。浩浩與天偕。出門不選日。入廟不持齋。陰陽非所忌。仙佛難我紿。隨雲去處去。隨風來處來。明月幾時有。問天天不知。縱云有開闢。開闢始何時。往往眼前事。考究無窮期。與其張目想。兀兀發狂癡。不若合眼眠。一笑姑置之。少年愛讀書。硜硜守章句。衰年愛讀書。消遣領其趣。雖然讀輒忘。過眼皆吾有。書味在胷中。甘於飲陳酒。漢有符節郎。請發不韋墓。謂是秦火前。所藏多竹素。求書至發冢。早被莊周譏。我意覺可惜。發或竟得之。不見陳伯茂。曾發鄒曇墳。大獲右軍書。幅幅生烟雲。鋤地得寶者。斷非望氣掘。世世出公卿。不聞謀吉穴。彭鏗壽最長。何曾談服食。百戰百

勝將兵書字不識。天之所付與，不必人營謀。何苦蚩蚩
氓奔如燒尾牛。知進不知退，力欲爭上流。豈無烘開花
一開花已休。代公未遇時，盜鑄略人口。及其成大功，黃
龍且授首。國嘗資懷貞，無恥衆所營。及是簿錄日，俸外
少餘資。盧杞亂天下，豕無妾媵妍。某卿大忠烈，乃索花
粉錢。寄語腐儒輩，觀過于其黨。放開眼界寬，流覽史書
廣。劉誠允善飲，苦無酒伴陪。或薦一軍校，可以千百杯。
問「其量何如」曰「醉不敢放，愈到沉醉時，愈作謙
謹狀。」劉乃笑搖頭，「此未足爲量。」凡事一改常，識
者所不尙。嘉祐頒陣圖，德用諫不可。道兵貴神速，泥
古恐相左。錢乙善醫疾，往往心忖量。道是病萬變，不可
拘古方。觀此二公言，可悟作文術。提筆學化工，一味活
潑潑。貪生學仙少，畏死學佛多。生死兩相忘，仙佛如
余何。我道依佛者，其人必諂諛。未知靈與否，尙向木偶
趨。奚況權貴門，炙手可熱歟。邢尹一相見，涕泣服其
美。賈充邪夫人，見李屈膝矣。青蓮服崔顥，不敢再題詩。
李邵愧劉蕡，登科願讓之。眞美人才子，大抵心多虛。木

虛爲琴瑟，竹虛爲笙竽。後代妄庸人，不肯爲人下。山膏
形如豚，厥性但好罵。阮瞻魏公孫，並非它寺流。伐金
雖賈禍，志在復國仇。偶作南園記，思擬畫錦堂。不喜鄭
域作，而慕放翁名。出其四夫人，玉手擎杯觴。下士肯如
此，便是爲善資。毋怪放翁作，勤懇加規詞。一朝事機失，
頭顱敵國葬。士論羣吠聲，放翁名節喪。豈知論成敗，所
見尤卑庸。符離大喪師，謀者張魏公。何以不加誅，人異
事則同。太邱弔張讓，不失爲君子。一切苛刻論，都從宋
儒始。青耕能禦疫，跣踵好降災。窮奇見善去，魃魃觸
邪來。物性大不齊，人性亦參半。所以孔子言，上智下愚
判。子輿道性善，學孔翻孔案。漢有崔子玉，隨官葬洛
陽。唐有辛藏之，亦葬萬年鄉。道死果有知，吾豈守墓者。
如其死無知，枯骨何取捨。我意亦如此，隨園旁起墳。雖
學蘇博達，終愧首邱仁。報德必以德，聖人有明言。宋
人徇反之，攻擊先恩門。魏公薦王陶，陶勅其縱恣。歐薦
林之奇，林發其陰事。尤文薦蕭杲，杲乃首疏彈。旁有宋
晦翁嘖嘖加贊嘆，嗚呼報施絕忠孝。何由來，且冷朝士

心何人肯愛才？惟有范文正大賢獨多情。一受元獻薦，終身稱門生。屋造鼠即至，池開魚即生。問其所由來，蹤跡不分明。大抵天地間，氣化先形化。青甯程馬間，生相代謝。洪荒無匹偶，人類自萌芽。伊尹生空桑，詰汾無母家。○人言晚景佳，恰比少時好。我意道不然，行樂還須早。譬如美衣裳，少艾可光軀。老雖著金紫，不稱白髭鬚。又如美飲食，壯俊不嫌多。及其既衰矣，未饜腹已饜。我少雖好學，無力購書看。而今眼昏花，萬卷徒空攤。又嘗思窈窕，貧莫能致之。而今作枯楊，生梯亦可嘆。所以徐謬言，人生壽七十，生長富貴家，一日抵兩日。

夢遊淡巖石上鐫此四句

一回開闢一乾坤，物換星移日日新。盤古如麻朝玉帝，不知誰是領班人。

題鄒若泉牧羊圖

白草黃沙望眼迷，荒荒落日雪山西。羣羊似解孤

臣意，翹首南雲一前齊。李迪丹青筆最超，鄒生粉本更親描。擬教添個蘇卿婦，幾點胭脂染節毛。

誰家

誰家低唱玉瓏玲？流管清絲夜不停。一曲歌終一世，那堪頭白客中聽。

哭陸朗夫中丞

持節長沙有正人，泊舟野叟謁清塵。誰知望重肅夫子，早識風流賀李真。傾蓋未消衛綠雨，停春已失楚江春。傷心萬里西征賦，爲了三生一見因。

栽樹自嘲

七十猶栽樹，旁人莫笑癡。古來雖有死，好在不先知。

哭蔣心餘太史

西江風急水搖天，吹去人間老謫仙。名動九重官
七品，詩吟一字響千年。空中香雨金棺掩，帳下奇兒玉
笋聯。如此才華埋地底，夜深寶劍恐騰烟。君家花裏
別君時，君起看花力不支。三月四日。一慟自知無日理，
九原還望有交期。應劉並逝空存我，李杜齊名更數誰。
教作藏園詩稿序，已成宋寄倍凄其。

自驚

蕭蕭落葉滿階庭，冉冉流光老自驚。世事過來惟
有夢，古人一去總無聲。千年仙鶴歸何晚，兩個金丸打
不清。悟得輪回文字孽，張衡纔死蔡雍生。

哭章公子

傳來消息滿城悲，玉樹凋傷第二枝。心力豈緣書
局盡，姓名已受聖人知。公子纂修四庫書，撰敘員外。蘭方飲
露花先隕，鶴正凌霄翅忽垂。從古天心忌才子，不教終
賈髮如絲。跋扈飛揚氣絕羣，偏於野叟最殷勤。每吟

佳句先呈我，豈料衰年反哭君。賴有舒祺延弱息，更無
阿鰲嫁秋雲。而翁倘作西河慟，莫遣堂前大母聞。

香亭卓薦後欲賦遂初忽以前任霍
邱事鐫級聞其歸舟已過峽江喜

而有作

聽說君歸喜欲顛，更聽君到峽江邊。去官難得因
微罪，行樂公然尚壯年。骨肉兩家人健在，星霜五載夢
纏綿。開廳屢探春風色，月照荆花影又圓。代謀精舍
老身忙，視北溪南費酌量。陸賈裝雖無巨萬，阿連居要
有池塘。水邊斑管高吟處，竹裏棋枰小戰場。准擬安排
來告汝，白頭一笑共扶將。端江作別淚交流，那料重
逢歲兩周。雲路似君真可惜，風帆依我竟須收。大府出考
評甚佳。門前五柳心思種，海上三山浪打舟。天意玉成
知感否，好燒紅燭夜同遊。從此青溪水不寒，高風六
代有人攀。陸機文史東西屋，何點琴尊大小山。棠桃花
雖兩處，種桃源門可一家關。唐生相我言如驗，五載猶

能作往還。相七胡支烟相余六十三歲得子壽七十六其已歿。

袁郎詩爲霞裳補作（有序）

在粵東時袁郎師晉年十七明慧善歌爲吳明府司閤乍見霞裳推襟送抱苦不得一語接再三謀得私約某日兩情可申忽主人奉大府檄火速鑿行郎不得留與霞裳別江上涕如縷縷余思兩雄相悅數典殊希爲補一詩作桑間濮上之變風云

珠江吹斷少男風珠淚離離墮水紅綠淺變能生頃刻情深誰復識雌雄鄂君翠被牀纔疊荀令香爐座忽空我有青詞訴真宰散花折柳太匆匆

騎牛

騎馬上林街鶴騎揚州市平生兩願都已償惟有騎牛身未試
揭來鄉間逢水牛相牛之背笑不休此是人間安穩處
七十老翁有所求呼僮扶上不施鞍牛亦相憐身不動
雨笠烟簑汝憤歎褒衣大裙毋乃重鞭之

不前行徐徐此牛腹中似有書聽之黃鐘滿腹鳴此牛曾否三犧生可見世間萬事學難了騎牛未必牛道好但願他生一日作牧童絕勝終朝牽鼻爲三公

穀雨雪

重陽雪穀雨雪兩年下雪非時節菊花秋草尙禁寒海棠嬌紅定愁絕老農老圃爭致詞春行冬令非所宜各持天官書一册按歷書雲占驗之我道萬事總憑天作主無心成化本如許若教板板循規矩天不作天讓與汝

女弟子陳淑蘭窗前開紅蘭一枝遣

其郎君鄧秀才來索詩

佳話傳來鄧十郎金閨蘭草作紅妝想因燕結梳頭處偶灑脂水數行十年辛苦國香裁消息會無一朵開今日微蘭芳訊到紫瓊宮裏有人來
名重針神遠近聞同心同臭有夫君好將一種紅花草

纔向瀟湘六幅裙。

端陽

黃鸝聲裏泛蒲觴，今歲春光太覺長。七十一年人未見，滿欄芍藥過端陽。

檢書圖爲盧抱經學士題

他人借書借而已，君來借書我輒喜。一書借去十日歸，缺者補全亂者理。君言檢書性所嗜，精比揚金細擇米，獲一義勝真珠船。剖一疑如桶脫底，康成寸策非八宗。晉師渡河豈三豕，倘非古本費研求，詎以傳訛誰撫掄。昌黎讀書先識字，伊川凡事求其是。胸中乘此二義行，點畫偏旁究原委。當年簪筆侍青宮，曾繪此圖呈帝子。饒斥邪蒿寓訓詞，官名正字存微旨。至今七十已懸車，猶日莘莘勤不止。摩研編削背青燭，綠字朱文堆滿几。非爲三教纂珠英，定替六經作奴婢。我聞古人老好學，操舍孤與伯業耳。更有南朝沈麟士，八十手鈔八

千紙。君今神勇欲過之，直以邱墳當藥餌。我愧豈山徒涉獵，鉅創苛碎愁欲死。偶質所疑荏撞鐘，大鳴小鳴應聲起。也思北面就經師，可奈顏光剩無幾。他年文苑縱濫登，儒林一傳君先矣。

撫孤行爲畢尙書作

我聞郭代公，四十萬縉脫手空。又聞魯子敬，指千困粟作投贈。此皆周恤生前朋，不如畢尙書待死友。有深情，諸公聽我撫孤行。一解新安魚門子，姓程字戢園。平生著述千萬言，重仁襲義人稱賢。只有作家二字天性短，玉卮無當不能盛一錢。食翰林俸，逋負如山，長髯拂拂兩眉皺。急走西方求佛救，二解彤彤徂暑，乘金棧車，烈火燒其心。巖風炙其軀，行年六十胸煩紆，望見畢尙書當作菩提如。尙書迎入南衙居，只道故人來，不圖新鬼但奄然。一病遽委化，瞑目而去片語無。三解尙書親視含殮，泣下數行。樞棺爲藉，袒免爲服喪。三桃湯五穀囊，一一布置加周詳。柳絮駢羅羽葆輝煌，送歸靈

翻白下葬。旁人嘖嘖相誇張，道如此異鄉，死哀榮勝故鄉。四解死者樂矣，生者哭矣。孤兒曾無棲宿矣，尚書聞之，又買屋矣。可奈尙書官大梁，孤兒居建康，昏夜乞水火，鞭長莫能及。魚門平日交滿海內，空紛紛誰管東里西華，冬日猶衣葛練裙。如枚百輩何足數，只能代爲躡足仰望高天雲。五解闌然明駝千里來，黃金百鎰光皚皚。交與桐城使士章，淮樹替主進，替營財，但許取子不取母，十年以後交兒手。六解七月二十四日，隨園風和，章公挈孤兒，載酒相過，作畫紙券，唱得寶歌，頃刻金城千萬丈。崽子嬌嬌得依傍，十解滿堂賓客，額手再拜，不信當今古人尚在一隻無言搔白頭。招阿遲來笑不休，而翁縱死汝無憂，汝不見畢尙書風義高千秋。八解

重宿棲霞感懷往事賦贈墨禪上人

憶甲戌春遊攝山，荒崖絕磴窮躋攀，琳宮尙少金泥色，古徑多生苔蘚斑。歸將山景繩其美，望山使相聞之喜。擬割蓬萊左股來，當作人才獻天子。拜表丹墀請

六龍，經營慘淡召諸公。石從地底搜雲片，泉引天河下碧空。朱雲善畫龍，莊周巧經余潘令栽花，潘摩詰掃發，更有徵歌置酒人。桃花潭水汪倫好，惜乎賤子從公幾度來。旌旗隊裏一芒鞋，諸天月落猶分韻，萬木霜明更上臺。果然聖主鑾輿到，一遊一豫天顏笑。松聲有意學嵩呼，石佛無言作前導。相公三次展經綸，奪取西湖放寺門。彩虹明鏡三千丈，手折青蓮奉至尊。一朝入贊黃扉務，猶自停騶來此處。雪泥鴻爪認前因，馬亦驕嘶不忍去。此事於今廿載餘，白頭重到舊人無。黃公壇在山河遠，東甌城高銅狄孤。剩有墨禪師一個，與談往事淚同墮。今爲長老昔沙彌，眼中無數浮雲過。攜手香臺處處遊，滄桑萬種說因由。青山也似人衰老，白鹿泉乾水不流。白鹿泉今無覓處。

哭江蔗畦太守

纔送花廳過石橋，還騎箕尾上丹霄。吟詩雅欲追唐代，作吏真能報聖朝。清俸一箱書畫在，生祠千縷佛

香飄。擬陽片石江隄柳，多少蒼生淚未消。君牧亳州，作堤擇水人比之羊公墮淚碑。客春賸子病空山，幾度蒙公走馬看。古鏡過時偏肯照，青琴舍我恰誰彈。頻驚碩果風前落，愈覺孤花樹上難。腸斷郎君風池客，麻衣如雪下長安。

霞心菴看桂贈月初上人

樓閣四面環，中心一菴簷。入門烏無聲，諸佛但葉拱。不須旂檀燒，自有木犀擁。樓窗開一角，金粟如海湧。難將萬斛量，恨不千手捧。四野黃霧寒，六時異香墜。氤氳染衣裳，熏炙入毛孔。老僧尤多情，煨栗相矜寵。新雪落紛紛，舊話談種種。笑我七十翁，晚歸心輒恐。且辭月宮還，殘花雙袖攏。

寶華山

山門一路松，直上寶華峯。銅殿風霜古，經臺草樹封。律嚴齋鶴靜，香散佛雲濃。羣鼠都持戒，來聽午後鐘。

華山風不避人，盡行夜伏。

棲霞古松無故自萎者甚多

千年古松葉四布，一朝禿立不知故。老幹雖招雷火焚，殘枝尚在蛟龍怒。意欲人間作棟梁，不負冷處飽風霜。甘心絕代擎天手，付與樵夫說短長。

哭家漁洲

年年蘭槳泊楓橋，爲有吾家小阮招。竹裏鶴留賓一榻，窗前海勸酒三蕉。同揮玉麈邀詞客，沙洲初代製金釵餉阿嬌。此日思量如隔世，碧天雲散雨瀟瀟。今秋正擬續前緣，豈料山河竟渺然。一紙計來真膽落，九原人去未華顛。雲香空掩三千卷，錦瑟誰彈五十絃。賴有季方賢弟在，好扶雛鳳上雲烟。

憎蠅

深秋醜扇尚紛紛，偶據高柯自逼真。枵腹可曾餐

墨水惡聲偏欲擾詩人，神昏不附追風驥。暑追能留幾日身，辜負天教生羽翼，枉鑽窗紙費精神。

八月二十八日出遊武夷

半生夢想武夷遊，此日裁呼江上舟。山抱文心傳九曲，水搖花影正三秋。神仙半面何時露，錦幘諸君識我不。擬唱賓雲最高調，支筇直上碧峯頭。

夜泊江山聞鄰舟有談鬼者揖而進之

夜船正寒寂，開客談齊諧。知是鬼董狐，揖而招之來。客亦大欣然，搖尾萬鬼集。頃刻燈光青，寒風射窗入。天地亦大矣，陰陽相乘除。干寶莫道有阮瞻，莫道無謝客。真多情，贈我勝絲竹，得聞所未聞，平生有耳福。

過仙霞嶺

乍上仙霞嶺，遙山漸莽蒼。梯田高下種，環水往來

忙。缺束人如小，雲封路覺長。與夫先斂足，取勢作低昂。亂竹扶人上，蒙茸但見烟。千盤難度鳥，萬嶺欲攔天。古樹擎雲健，重門鑄鐵堅。分明兩戒外，別自一山川。

從浦城新鄉起行六十里宿勢口一路山勢奇險是武夷之先聲

簇簇青芙蓉，對面開千朵。頗似武夷君，著渠來迎我。有時形突兀，雲中插箭筈。有時盤紆紆，長眉關婀娜。遙青與天分，近綠將人裹。陵上更援下，斷右忽連左。灘聲萬雷奔，松竹一亭鎖。遠望樹深處，茅蓬起烟火。心付是何村，今宵安歇可。

漁梁道上作六絕句

一過仙霞兩耳無，人聲都變鳥聲呼。客中只與雞談好，慚愧當年介葛盧。遠山聳翠近山低，流水前溪接後溪。每到此間閒立久，採茶人散夕陽西。山腰逼仄小車停，竹作長籬樹作屏。遠望自家行李過，畫來都

是好丹青。荒村小店歌征鞍，上漏旁穿板壁單，回首洞房金鴨暖，夜眠却也一般安。劉郎才思本縱橫，遊過名山氣倍清，得句榮於得科第，急奔車下報先生。初筭蠻女髮鬢，折得溪頭花亂簪，一幅布裙紅到老，不知人世有江南。

崇安署中觀清獻梅

一樹偶然種，千秋謚法加。人皆思往哲，天亦重孤花。北宋風霜古，南枝骨幹斜。對君吾欲問，琴鶴在誰家。

夜告閣

事苦無人告，朝朝告碧空。香焚高閣上，天在此心中。有感雲皆散，無言聽愈聰。是誰瞞得過，吾欲問崖公。

到武夷宮望曼亭峯作

武夷宮前多古樹，參天蔽日杳無數。我來可惜宮殿荒，冠帽真人多暴露。一峯孤撐號曼亭，其下戍削上

隆平。想見帝臺千尺石，傳觴一夕來仙靈。八月中秋月正明，武夷之君駕玉輶，招集鄉人童與叟，開口曾孫喚某某。過來多少事茫茫，今宵且盡杯中酒。招英妃兮鼓琴，命妙容兮擊鼓。手製雲霞羹，七夾麒麟脯。雲漱水瑟瑟聲來，白鹿蒼龍一齊舞。羽換宮移曲漸終，五更玉漏響丁東。唱到人間可哀曲，湘絃齊斷月明中。香風忽起彩霞捲，羣仙去矣歌聲遠。素衣兒女盡哀號，雲馬風車不可挽。至今小別二千年，石上蒼苔烏跡滿。吁嗟乎君兮君兮胡爲不再來，豈不知望斷人間更可哀。

試茶

閩人種茶當種田，鄰車而載盈萬千。我來竟入茶世界，意頗狎視心適然。道人作色誇茶好，磁壺袖出彈丸小。一杯啜盡一杯添，笑殺飲人如飲鳥。云「此茶種石縫生，金蕾珠蘂殊其名。雨淋日炙俱不到，幾莖仙草含虛清。採之有時焙有訣，烹之有方飲有節。譬如麴蘖本尋常，化人之酒不輕設。」我震其名愈加意，細嚙欲

尋味外味。杯中已竭香未消。舌上徐嘗甘果至。嘆息人間至味存。但教幽莽便失眞。處同七碗籠頭喫。不是茶中解事人。

從大王峯下乘舟入溪探九曲

溪南溪北山連連。一曲二曲水盤旋。三姑相送疑玉女。長城高障如鐵堅。有臺不知誰放鏡。有架不知誰挂冠。有竿不知誰作釣。有槳不知誰拖船。紅板橋名更奇絕。長椽短杙相連牽。分明堆架在巖穴。何以不朽不墜千萬年。疑是開闢以前乾坤壞。此木逃出劫灰外。又疑堯時洪水災。人民居者巢猶在。兩說紛紛世所疑。唯唯否否姑聽之。老身但願化猿鳥。飛騰而上攬數枝。可索一波迎一波。拒盤渦急浪來無數。高工只好隨波去。扁舟小泊尚艱難。何況中流作砥柱。

灘水迅急篙工負舟而行余立石上相待

山似不許水脫逃。多生怪石闌波濤。水又怒有作阻撓。終朝衝突聲呼號。左騰乖龍右起蛟。儼若格鬪三軍鷹。馮夷列陣氣勢驕。舟人一手難兩撐。只得赤脚凌滔滔。負舟於背作擠挑。滿艚盤盪齊動搖。我時獨坐浪打額。游興忽被性命迫。舍舟而徒登絕壁。宛然鷗鳥立一隻。帶濕搜毛風拍拍。呼船速上來相逐。千峯萬峯氣太逼。遲恐老身化作石。

登天游一覽樓覽武夷全局是夕月明如晝

千峯壓地地無縫。三峯插天天欲動。金鐘大鑪碧空墮。醜犀怪象八蠻貢。相角相倚洛蜀黨。半伏半走鄒魯閭。重重奇景散若麻。天游一亭聚其衆。武夷山脉多紆緩。到此鋪張勢忽縱。我坐兜龍門外來。松柏排青夾成街。三步一休頭仰看。兩足騰雲身忘重。羽衣道人下相揖。灑掃高軒設清供。正逢明月桂前峯。手指金丸請客弄。水精盤裏漾清螺。銀海光中走白鳳。翠撲鬚眉影。

欲飛，唾落九天風爲送。果然化人解乘虛，豈止張翥能
鑿空。酒酣茶罷榻上眠，魂抱萬山同入夢。吁嗟乎人生
不遠遊，如雞犬甕中果能窮宇宙，自可豁心胃。我今一
笑告諸公，生來不負遠行二千里。此山不負婆娑七十
翁。

從金雞寨入小桃源

一聲金雞鳴，滿山白雲起。忽然絕壁開，走入雲中
矣。其間別有天堂屋相橫排，稻是百餘畝，催租無官差。
四面山環之，鳥飛不能上。一二野人居，有如麋鹿放可
見。世界海，尙藏太古春。何必陶彭澤，思訪避秦人。

至伏虎巖徧歷險怪憬然有悟

世人談虎輒色變，我忽見虎目亦胸。青天盡被怪
峯割，猛獸欲同奇鬼戰。更有虎舌重萬鈞，手搖輒動雷
聲聞。高懸萬古不輕落，此中奇理難具論。我記兒時好
鎔錫，戲投水中皆壁立。如臺如閣如峯巒，亦復膠粘不

歎。歎。苟明此理山亦然，借此疏解何疑焉。混沌未分水
沙合，元黃已判氣脈連。偶然高下若鑄就，非由人力非
由天。可惜天形大，人形小山壽長，人壽夭以致滄海桑
田變化時，不能在旁張眼看分曉。遂覺化工有意圖，姦
巧假使有生無死壽若昆，鷲土翼若萬里垂雲金翅鳥。
看見乾坤開闢兩三回，又能頃刻飛翔周八表。自然一
切仙船石墮虹板橋，原委由來都了了。

在舟中回望天遊一覽樓已在天上

一樓高立萬峯巔，遠望迢迢在半天。昨日幸儀樓
上住，不覺還道住神仙。

草鞋嶺觀仙蛻手按之頭尙搖動

神仙蛻骨傳張徐，峯高梯朽路莫踰。只有草鞋嶺
上仙，真身未化形瞿瞿。道人引我至彼處，溪澗石簇途
煩紆。我乃跼足鼓勇上，果有石洞如瓜廬。洞中一隻蛻
踞坐，非漆非土非皮膚。叩之囊囊作聲響，筋骨雖有屑

鬚無，齟齬，殘齒，牙腐，雙眸垂下，元珠枯我。思精神天
所有，鋒隨刀盡，歸空虛，鬱茲枯腊，遇好事，裝飾凶穢，驚
庸愚，聖人六經，尚精粗，何況區區，恆餘歟，何不束縛，瘞
邱壠，化臺兩字，顏其墟，仙雖不言，如解語，風吹頸動，搖
頭顱。

引路者云杜轄若最險是前朝屯兵
處攀援而登讀壁上吳中立碑記

不覺失笑

天形蕩蕩寬，到此忽然狹。是誰造方城，礮礮四面
夾。我懼作虎兇，一束難出柙。又恐化寶劍，被人裝入匣。
洞雖分上下，勢總環匝。前賢碑記存，細字可摩挾。杜
者杜塵緣，轄者轄石硤。云此讀書佳，烟雲供吐納。如何
詢土人，謬以屯兵答。中塑杜將軍，持刀披金甲。拾遺說
十城，一笑口難合。

從杜轄寨下行至雞母洞回望寨中
樓閣如在舟中望天游也

看。

動。

渺渺仍樓在，茫茫到已難。人生高處下，莫再仰頭

雨過

雨過山洗容，雲來山入夢。雲雨自往來，青山原不

伏羲洞

絕壁森森古洞開，羲皇曾此坐蒼苔。想因細看橫
排石，悟出先天一畫來。

關眉峯

青山有意關眉痕，巧作彎環月樣新。急取筆來描
粉本，還家重作畫眉人。

摸骨巖

每對黃庭眼倦看，有誰能得大還丹。吟時骨與神

仙骨一樣天生換總難。

老行

老行萬里全憑膽，吟向千峯屢掉頭。總覺名山似名士，不蒙一見不甘休。

飛鐘

何處鐘飛來挂空如碧瓦，有意避人敲，甘心萬古

啞。

晒布巖

山立如長城，萬里一刀截。有時織女來，晒布三千

匹。

黃竹

想尋黃竹到瑤池，忽漫相逢在武夷。王母曲裁歌罷後，女兒箱未打成時。三春作伴鶯尤好，九月抽霜笄

最遲。料得滿湘雲水恨，此君雖老不會知。

宿紫溪聞鴈

客館燈殘夢不成，忽聞秋雁語深更。非關畫角因霜落，還似孤舟曳櫓行。千里關河方寂寞，一封家信欠分明。衰翁久斷人間事，根觸翻嫌兩耳清。

履霜

清霜一夜草鋪平，遊子支筇踏欲驚。葛屨不知何故響，板橋先似有人行。偶貪身在松間立，漸覺寒從脚下生。不怕輕冰消息近，藍橋吾欲訪雲英。

到鉛山與程吳二友遊積翠巖

山川大固佳，邱壑小亦好。但須結構嚴，便見化工巧。我遊武夷還，重登積翠巖。意謂齊魯遊，定將稻苴嫌。不圖孤峯起，長劍青天倚。其下洞穴奇，嵌空杳無底。地仄氣易聚，徑曲景愈幽。始知河與海，原宜納細流。